

LOV FOR VALLDAL IDRETTSLAG¹

Valldal Idrettslag stifta 18.11.1919. Lov er vedteke av årsmøtet, med seinare endringar seinast av styret 27.2.2020. Lov godkjent av Møre og Romsdal Idrettskrets

I. INNLEIANDE REGLAR

§ 1 Formål

- (1) Idrettslaget sitt formål er å drive idrett organisert i Norges idrettsforbund og olympiske og paralympiske komité (NIF).
- (2) Arbeidet skal vere prega av frivillig innsats, demokrati, lojalitet og likeverd. All idrettsleg aktivitet skal byggje på grunnverdiar som idrettsglede, fellesskap, helse og ærlegdom.

§ 2 Organisasjon

- (1) Idrettslaget er sjølveigande og frittstående med berre personlege medlemmar.
- (2) Idrettslaget er medlem av
 - a) Norges Amerikanske idretters forbund
 - b) Norges Fotballforbund
 - b) Norges Friidrettsforbund
 - c) Norges Skiforbund
 - d) Norges Skiskytterforbund
- (3) Idrettslaget er medlem av NIF gjennom Møre og Romsdal Idrettskrets, høyrer heime i Fjord kommune, og er medlem av Fjord idrettsråd².
- (4) Idrettslaget skal følgje NIF og tilslutta organisasjonsledd sitt regelverk og vedtak. NIF sitt regelverk gjeld for idrettslaget uavhengig av kva som måtte stå i idrettslaget si eiga lov.

§ 3 Medlemar

- (1) For at ein person skal takast opp i idrettslaget må vedkomande:
 - a) akseptere å overhalde idrettslaget og overordna organisasjonsledd sitt

¹ Idrettslaget sitt namn må vere i samsvar med forskrift om namn på idrettslag.

² Idrettslag kan berre vere medlem av eitt idrettsråd. Dersom idrettslaget sitt naturlege område strekkjer seg over meir enn ein kommune, avgjer idrettslaget sitt årsmøte kva idrettsråd det høyrer til.

- regelverk og vedtak.
- b) ha gjort opp eventuelle økonomiske forpliktingar til idrettslaget og andre organisasjonsledd i NIF.
- (2) Styret i idrettslaget kan i særlege tilfelle nekte ein person medlemskap. Før vedtak vert fatta, skal personen gjerast kjent med bakgrunnen for saka og får ein frist på to veker til å uttale seg. Vedtaket skal vere skriftleg og grunngjeve, og informere om høve til å klage. Vedtaket kan klagast på til idrettskrinsen innan tre veker etter at det er motteke. Klagen skal sendast til styret i idrettslaget, som eventuelt kan omgjere vedtaket. Om vedtaket står ved lag, skal klagen sendast til idrettskrinsen innan to veker.
- (3) Medlemskap i idrettslaget er først gyldig frå den dag kontingent er betalt.
- (4) Medleimen pliktar å overhalde NIF, tilslutta organisasjonsledd og idrettslaget sitt regelverk og vedtak.
- (5) Utmelding skal skje skriftleg og får verknad når den er motteke.
- (6) Idrettslaget kan fråta medlemskap frå ein medlem som etter purring ikkje betalar fastsett medlemskontingent. Medlem som skuldar kontingent for to år, taper automatisk sitt medlemskap i idrettslaget og skal strykast frå laget si medlemsliste.
- (7) Styret i idrettslaget kan i særlege tilfelle fråta ein medlem medlemskapet for ein periode på inntil eitt år. Før vedtak vert fatta, skal vedkomande gjerast kjent med bakgrunnen for saka og få ein frist på to veker til å uttale seg. Vedtaket skal vere skriftleg og grunngjeve, og informere om høve til å klage.
- (8) Ved tap av medlemskap kan den saka gjeld kreve at vedtaket handsamast av ordinært/ekstraordinært årsmøte, og har rett til å vere til stade ved årsmøtet si handsaming av saka. Kravet må setjast fram innan ei veke etter at vedtaket er motteke, og årsmøtet må deretter haldast innan ein månad.
- (9) Ved tap av medlemskap kan vedtaket til idrettslaget klagast på til idrettskrinsen innan tre veker etter at vedtaket er motteke. Klagen skal sendast til idrettslaget sitt styre, som eventuelt kan gjere om vedtaket dersom det er fatta av styret sjølv. Oprettheld styret vedtaket, skal klagen sendast til idrettskrinsen innan to veker. Idrettslaget sitt vedtak trer ikkje i kraft før klagefristen er gått ut, eventuelt når klagesaka er avgjort.
- (10) Idrettslaget skal føre elektroniske medlemslister i idretten sine nasjonale medlemsregister i tråd med forskrift gitt av Idrettsstyret.

§ 4 Medlemskontingent og avgifter

Medlemskontingenten vert fastsett av årsmøtet.³ Andre avgifter/eigendelar kan krevjast for deltaking i idrettslaget sitt aktivitetstilbod.

II. TILLITSVALTE OG TILSETTE

§ 5 Kjønnfordeling

- (1) Ved val/oppnemning av styre, råd, utval/komit  mv. og ved representasjon til  rsm te/ting i overordna organisasjonsledd, skal begge kj nn vere representert. Samansetjinga skal samsvare i h ve til kj nnfordelinga i medlemsmassen, likevel slik at ved val/oppnemning av meir enn tre personar, skal det veljast/oppnemnast minst to personar fr  kvart kj nn. Regelen gjeld og der det blir valt meir enn eitt varamedlem. Tilsette sin representant tel ikkje med ved utrekning av kj nnfordelinga.
- (2) Ved val/oppnemning til styre, råd, utval/komit  mv. i strid med regelen, skal styret innan ein m nad etter  rsm tet sende ut innkalling til ekstraordin rt  rsm te der nytt val vert gjort. Eksisterande medlemmar i det aktuelle styret, komit en mv. vert sitjande til nytt styre, komit  mv. er valt/oppnemnt.
- (3) Idrettskrinsen kan p leggje idrettslaget   oppfylle regelen, m.a. med innkalling til nytt  rsm te eller foreta ny oppnemning.
- (4) Idrettskrinsen kan, n r det ligg f re s rlege tilfelle, gje dispensasjon fr  denne regelen. Det skal s  langt det er mogleg s kast om dispensasjon i forkant. S knad om dispensasjon m  vere sendt til idrettskretsen innan 14 dagar etter  rsm tet. Det er berre mogleg   gje dispensasjon for ein valperiode/oppnemning kvar gong.

§ 6 Generelle reglar om stemmerett, kven som kan veljast, forslagsrett mv.

- (1) For   ha stemmerett og kunne veljast til  rsm te-/tingvalde organ og kunne veljast/oppnemnast som representant til  rsm te/ting i overordna organisasjonsledd, m  ein vere fylt 15  r i kalender ret, vore medlem av idrettslaget i minst ein m nad og ha oppfylt medlemskrava, jf. § 3 (1). Det same gjeld der ein person skal oppnemnast som representant til  rsm te/ting i overordna organisasjonsledd. Ingen kan m te eller stemme ved fullmakt, jf. § 16.

³ Idrettslaget kan innf re ulike kontingentkategoriar (t.d. for familiar, pensjonistar, studentar). Kontingenten m  vere p  minst kr 50 per medlem.  rsm tet kan vedta at  resmedlemmar skal vere friteke for betaling av kontingent.

- (2) Ein medlem kan ikkje samtidig ha meir enn eit av følgjande verv i idrettslaget: medlem av styret, valkomité, kontrollkomité, lovutval, revisor utval som pålegg sanksjonar.
- (3) Ein medlem kan ikkje ha tillitsverv knytta til same idrett i fleire idrettslag som deltek i same konkurranse. Tilsvarande gjelde andre tillitsverv som gjev høve for påverknad over den aktuelle konkurranseaktiviteten eller tilgang på informasjon som kan brukast til fordel for eit av idrettslaga.
- (4) Forslagsrett:
 - a) Ein medlem har forslagsrett til og på årsmøtet i idrettslaget.
 - b) Styret i idrettslaget har forslagsrett til og på årsmøtet i idrettslaget
 - c) Ein komité/utval har forslagsrett til årsmøtet i saker som ligg innanfor komitéen/utvalet sitt arbeidsområde, og komitéen/utvalet sin(e) representant(ar) har forslagsrett på årsmøtet innanfor komitéen/utvalet sitt arbeidsområde.
- (5) Møte og talerett:⁴
Representant frå overordna organisasjonsledd har talerett på årsmøtet i idrettslaget.

§ 7 Vilkår for stemmerett, val og representasjon for arbeidstakar

- (1) Med arbeidstakar etter denne paragraf vert meint person som
 - a. utfører lønna arbeid for idrettslaget tilsvarande ein stillingsbrøk på meir enn 20 % , eller
 - b. mottok meir enn 1G i lønn/andre ytingar frå idrettslaget i løpet av eit kalenderår
- (2) Ein arbeidstakar i idrettslaget har ikkje stemmerett på idrettslaget sitt årsmøte og er ikkje valbar til styre, råd, utval/komite mv i idrettslaget eller overordna organisasjonsledd. Tillitsvald som får relevant tilsetning, pliktar å fråtre stillinga ved tilsetning, og kan ikkje gjeninntre før tilsettinga er opphørd.
- (3) Ein arbeidstakar i idrettslaget kan ikkje veljast til styre, råd, utval/komite mv. i idrettslaget eller leiarmøte i overordna organisasjonsledd. Det kan heller ikkje veljast eller oppnemnast representant som er arbeidstakar i det organisasjonsledd representasjonen skjer..
- (4) Regelen er ikkje til hinder for at idrettslaget gjev de tilsette rett til å peike ut tilsettrepresentant(ar) til idrettslaget sitt styre.

⁴ Årsmøtet kan også vedta å gje talerett til andre personar. Dersom idrettslaget har engasjert revisor, må følgjande punkt leggjast inn i (6): «Engasjert revisor har talerett på årsmøtet i saker som ligg innanfor sitt arbeidsområde.»

- (5) Ein person som er valt eller oppnemnt i strid med regelen vert ikkje sett på som valt eller oppnemnt.
- (6) Idrettskrinsen kan, når det ligg føre særlege tilfelle, gi dispensasjon frå denne regelen.

§ 8 Representasjonsrett og vilkår for val for andre personar med tilknytning til idrettslaget

- (1) Ein medlem som har økonomisk særinteresse i idrettslaget som overstig 1G i løpet av kalenderåret, kan ikkje veljast til verv i styre, råd, utval/komité mv. innan idrettslaget eller overordna organisasjonsledd. Det same gjeld styremedlem, tilsett, eller aksjonær med vesentleg innverknad i ein juridisk person som har slik avtale som nemnt i første setning. Avgrensinga gjeld ikkje for styremedlem oppnemnt av idrettslaget. Tillitsvalt som får ein slik avtale, styreverv, tilsetjing eller eigardel, pliktar å gå ut av tillitsvervet ved tiltreding av stillinga, og kan ikkje gå inn att før tilsettingshøvet er avslutta.
- (2) Person som etter første ledd ikkje kan veljast, kan heller ikkje veljast eller oppnemnast som representant til årsmøte/ting eller leiarmøte i overordna organisasjonsledd. Det kan heller ikkje veljast eller oppnemnast representant med tilsvarende tilknytning til det organisasjonsledd representasjonen skjer.
- (3) Ein person som er valt eller oppnemnt i strid med regelen blir ikkje sett på som valt eller oppnemnt.
- (4) Idrettskrinsen kan, ved særskilde høve, gi dispensasjon frå denne regelen.

§ 9 Inhabilitet

- (1) Ein tillitsvalt, oppnemnt representant eller tilsett i idrettslaget er inhabil til å legge til rette grunnlaget for ei avgjerd eller til å treffe avgjerda:
 - a) når vedkomande sjølv er part i saka,
 - b) når vedkomande er i slekt eller svogerskap med ein part i opp- eller nedstigande linje eller i sidelinje så nær som søsken,
 - c) når vedkomande er eller har vore gift med eller er forlova eller sambuar med ein part,
 - d) når vedkomande er leiar eller har leiande stilling i, eller er medlem av styret i eit organisasjonsledd eller annan juridisk person som er part i saka.
- (2) Vedkomande er og inhabil når andre særskilde høve ligg føre som er eigna til å svekke tilliten til om vedkomande er upartisk; mellom anna skal det leggjast vekt på om avgjerda i saka kan gje særleg fordel, tap eller ulempe for vedkomande sjølv eller nokon som vedkomande har nær personleg tilknytning til. Det skal også leggjast vekt på om inhabilitetsmotsegn er reist av ein part.

- (3) Er ein overordna inhabil, kan avgjerd i saka heller ikkje treffast av direkte underordna i idrettslaget.
- (4) Inhabilitetsreglane skal ikkje brukast dersom det er innlysande at den tillitsvalte, oppnemnde representanten eller tilsette si tilknytning til saka eller partane ikkje vil kunne påverke vedkomande sitt standpunkt og idrettslege interesser ikkje tilseier at vedkomande bør vike sete.
- (5) Med part er det her meint person, medrekna juridisk person, som ei avgjerd rettar seg mot eller som saka elles direkte gjeld.
- (6) I styre, komitéar og utval tek organet sjølv avgjerd, utan at vedkomande medlem deltek. Kjem det i ei og same sak opp spørsmål om inhabilitet for fleire medlemmer, kan ingen av dei delta ved avgjerda av sin eigen eller ein annan medlem sin habilitet, med mindre organet elles ikkje ville vore vedtaksført i spørsmålet. I sistnemnde tilfelle skal alle møtande medlemmer delta. Medlemer skal i god tid seie frå om forhold som gjer eller kan gjere vedkomande inhabil. Før spørsmålet vert avgjort, bør varamedlem eller annan person som kan tre inn i staden for, bli kalla inn til å møte og delta i avgjerda, dersom dette kan gjerast utan vesentleg bruk av tid eller kostnad.
- (7) Ved andre tilfelle tek vedkomande sjølv avgjerda om vedkomande er inhabil. Dersom ein part krev det og det kan gjerast utan vesentleg ekstra bruk av tid, eller vedkomande elles finn grunn til det, skal vedkomande sjølv leggje fram spørsmålet for sin næraste overordna til avgjerd.
- (8) Regelen gjeld ikkje på årsmøtet i idrettslaget.

§ 10 Krav til vedtak, fleirtalskrav og protokoll

- (1) Når ikkje anna er bestemt, er styre, komitéar og utval i idrettslaget vedtaksføre når eit fleirtal av medlemmane er til stades. Vedtak vert fatta med fleirtal av dei gjevne stemmene. Ved likt stemmetal er møteleiar si stemme avgjerande.
- (2) Vedtak kan fattast ved skriftleg sakshandsaming⁵ eller ved fjernmøte⁶. Ved skriftleg sakshandsaming skal kopiar av dokument i saka sendast samtidig til alle medlemmar med forslag til vedtak. Gyldig vedtak krev at fleirtalet av medlemmane gjev sin tilslutnad til det framlagde forslaget, og til at dette vert gjort etter skriftleg sakshandsaming. Ved fjernmøte skal alle møtedeltakarane kunne høyre og kommunisere med kvarandre.
- (3) Det skal førast protokoll frå styremøta. Protokollane skal vere tilgjengeleg for

⁵ Til dømes per e-post.

⁶ Til dømes møte per telefon/videokonferanse.

idrettslaget sine medlemmar, med mindre styret har vedteke noko anna i den enkelte sak

§ 11 Refusjon av utgifter til tillitsvalte. Godtgjersle

- (1) Tillitsvalt kan motta refusjon for nødvendige, faktiske utgifter som vedkomande får i samband med utføring av vervet.
- (2) Tillitsvalt kan motta ei rimeleg godtgjersle for arbeidet sitt.
- (3) Godtgjersle til styret og dagleg leiar skal kome klart fram i vedteke budsjett og rekneskap.

III. ØKONOMI

§ 12 Rekneskap, revisjon, mv.

- (1) Idrettslaget er rekneskaps- og revisjonspliktig og skal utarbeide eit årsrekneskap som vert vedteke av årsmøtet. Årsrekneskapet skal underteiknast av alle styremedlemmar. Har idrettslaget dagleg leiar, skal også dagleg leiar underteikne. Rekneskapsåret skal følgje kalenderåret.⁷
- (2) Idrettslaget skal følgje alminneleg lovgjeving for rekneskap og revisjon der det gjeld. Dersom idrettslaget har ein årleg omsetnad på kr 5 millionar eller meir, skal laget engasjere revisor og følgje rekneskapslova og revisorlova sjølv om dei ikkje er forplikta til dette etter alminneleg lovgjeving. For idrettslag som ikkje har rekneskapsplikt etter alminneleg lovgjeving, gjeld uansett følgjande:
 - a) Rekneskapet skal vise ei oppstilling over inntekter og kostnader i rekneskapsåret og skal omfatte heile idrettslaget sin aktivitet. Dersom idrettslaget er inndelt i fleire grupper skal den enkelte gruppe sin aktivitet og visast i rekneskapet
 - b) Alle transaksjonar skal dokumenterast på ein måte som viser grunnlaget for transaksjonen.
 - c) Rekneskapet skal bokførast og spesifiserast so ofte som opplysningane sin karakter og idrettslaget sin art og omfang tilseier.
 - d) Rekneskap med alle bilag, bokførte opplysningar og underdokumentasjon skal oppbevarast på ein trygg måte i minimum fem år etter utgangen av rekneskapsåret.
 - e) Bankkonti skal vere knytt til idrettslaget og skal disponerast av leiar og kasserar i Valldal IL.
- (3) Idrettslaget skal ha underslagforsikring.

⁷ Idrettsstyret kan, når det ligg føre særlege tilhøve, gje dispensasjon til å nytte avvikande rekneskapsår.

§ 13 Budsjett

- (1) På årsmøtet skal det fastsetjast eit budsjett som inneheld alle hovudpostar i resultatrekneskapen. Eventuelle midlar avsett til kontrollutvaletsitt arbeid skal spesifiserast særskild.
- (2) Budsjettet skal vere realistisk, og resultatet skal ikkje vise underskot med mindre det vert dekt av positiv eigenkapital.
- (3) Det vedteke budsjettet bør kome fram i ei eiga kolonne når årsrekneskapet vert lagt fram.

§ 14 Utlån og garanti

Idrettslaget kan ikkje gje lån eller stille garantiar for lån dersom ikkje lånet eller garantien har sikring med trygg pant eller annan fullgod sikring. Sikring for lån og garantiar skal opplysast i note til årsoppgjeret.

IV. ÅRSMØTE, STYRE, UTVAL MV.

§ 15 Årsmøtet

- (1) Årsmøtet er idrettslaget sitt høgste styringsorgan, og skal heldast kvart år innan utgangen av mars måned⁸.
- (2) Styret kallar inn til årsmøte minst ein måned på førehand direkte til medlemne, eventuelt på annan forsvarleg måte, og/eller ved kunngjering i pressa, eventuelt på idrettslaget si internettside. Innkallinga kan vise til at saksdokumenta vert gjort tilgjengeleg på idrettslaget si internettside eller på annan forsvarleg måte. I så fall skal det gå fram at dokumenta vil bli gjort tilgjengelege seinast ei veke før årsmøtet. Forslag som skal handsamast på årsmøtet, må vere sendt til styret seinast to veker før årsmøtet. Fullstendig sakliste og andre nødvendige saksdokument med forslag til årsmøtet må vere gjort tilgjengeleg seinast ei veke før årsmøtet.
- (3) Ved innkalling i strid med regelen, avgjer årsmøtet høvesvis ved godkjenning av innkalling og godkjenning av saklista, om årsmøtet er lovleg innkalla og om det er saker som ikkje kan handsamast.
- (4) Alle medlemene til idrettslaget har tilgjenge til årsmøtet. Årsmøtet kan invitere andre personar og/eller media til å vere til stades, eventuelt vedta at årsmøtet berre er ope for medlemar.

⁸ Vedtak om årsmøte innan mars måned er fastsett av Idrettsstyret, jf. NIF si lov § 2-11 (8) siste setning.

- (5) Årsmøtet er vedtaksført dersom det møter eit tal medlemmar med stemmerett som minst svarar til talet på styremedlemmar vedteke i idrettslaget si lov. Er ikkje årsmøtet vedtaksført, kan det bli kalla inn til årsmøte på nytt utan krav til minimumsdeltaking.
- (6) På årsmøtet kan det ikkje handsamast framlegg om endring i lov eller reglar som ikkje er ført opp på den saklista som er gjort tilgjengeleg eller sendt ut. Andre saker kan handsamast når 2/3 av dei frammøtte med stemmerett på årsmøtet vedtek det ved godkjenning av saklista.

§ 16 Leiing av årsmøtet

Årsmøtet vert leia av vald dirigent. Dirigent eller vald referent treng ikkje vere medlem. Det kan veljast fleire dirigentar og referentar.

§ 17 Årsmøtet sine oppgåver

Årsmøtet skal⁹:

1. Godkjenne dei som har stemmerett.
2. Godkjenne innkallinga, saklista og møtereglane.
3. Velje dirigent, referent, og to medlemmar til å skrive under protokollen.
4. Handsame idrettslaget si årsmelding, inkludert gruppeårsmeldingar.
5. Handsame idrettslaget sin rekneskap, styret si økonomiske melding, kontrollutvalet si melding og revisor si melding.
6. Handsame forslag og saker.
7. Fastsetje medlemskontingent på minst kr 50, og treningsavgift, eller gi gruppestyra fullmakt til å fastsette treningsavgift for gruppa si aktivitet.¹⁰
8. Vedta idrettslaget sitt budsjett.
9. Handsame idrettslaget sin organisasjonsplan.¹¹
10. Gjere følgjande val:¹²
 - a) Leiar for 1 år
 - b) Nestleiar for 2 år
 - c) 3 styremedlemmar for 2 år
 - d) 2 varamedlemmar for 1 år¹³
 - e) Kontrollutval med 2 medlemmar valde for 2 år og eit varamedlem vald for 2 år

⁹ Dersom saklista ikkje vert fullført, kan det kallast inn til framhaldande årsmøte. Slik innkalling skjer på tilsvarande måte som for ordinært årsmøte, men eventuelt med kortare frist godkjent av årsmøtet. Framhaldande årsmøte kan berre handsame saker som var med i godkjent sakliste for årsmøtet.

¹⁰ Årsmøtet kan fastsette ei øvre grense på storleik på treningsavgifta.

¹¹ Organisasjonsplanen skal regulere den interne organiseringa og aktiviteten i idrettslaget.

¹² Dette er minimum av dei tillitsvalte som skal veljast på årsmøtet. Årsmøtet kan i tillegg velje andre tillitsvalte det er behov for.

¹³ Idrettslaget kan velje om styremedlemmar skal veljast for eitt eller to år av gongen. Tal styremedlemmar og varamedlemmar må fyllast ut ved vedtak av loven, minimum eitt styremedlem og eitt varamedlem. Styremedlemmar kan veljast til spesifikke oppgåver.

- f) Andre val i høve til vedteken organisasjonsplan, jf. pkt. 9.
- g) Representantar til ting og møte i dei organisasjonsledda som idrettslaget har representasjonsrett eller gje styret fullmakt til å oppnemne representantane.
- h) Valkomité med leiar, to medlemar og eitt varamedlem. Valperiode 3 år

Leiar og nestleiar skal veljast enkeltvis. Dei andre medlemane skal veljast samla. Deretter skal varamedlemane veljast samla, og ved skriftleg val vert rekkjefølgja avgjort i høve til stemmetala.

§ 18 Stemmegjeving på årsmøtet

- (1) Med mindre noko anna er fastlagt i denne lova, skal eit vedtak, for å vere gyldig, vere gjort med vanleg fleirtal av dei avgjevne stemmene. Ingen representant har meir enn ei stemme. Ingen kan møte eller stemme ved fullmakt. Blanke stemmer skal reknast som ikkje avgjevne.
- (2) Val skal vere skriftleg dersom det ligg føre meir enn eitt framlegg eller det vert fremja krav om det. Dersom det skal vere skriftleg val, kan berre føreslegne kandidatar førast opp på stemmesetelen. Stemmesetler som er blanke, eller som inneheld kandidatar som ikkje er føreslegne, eller ikkje har det tal det skal stemmast over, tel ikkje, og stemmene skal reknast som ikkje avgjevne.
- (3) Når eit val vert halde enkeltvis og ingen kandidat oppnår meir enn halvparten av dei avgjevne stemmene, skal det vere omval mellom dei to kandidatane som har fått flest stemmer. Står nokon likt etter omvalet, vert det avgjort ved loddtrekking.
- (4) Når fleire skal veljast ved ei røysting, må alle ha meir enn halvparten av dei avgjevne stemmene for å vere vald. Dette gjeld ikkje ved val av varamedlem. Om ikkje mange nok kandidatar får dette i første omgang, er det berre dei som har fått meir enn halvparten av stemmene som er valde. Det vert så omval mellom dei kandidatane som står att, og etter denne røystinga er dei valde som har fått flest stemmer. Står nokon likt etter omvalet, vert dette avgjort ved loddtrekking.

§ 19 Ekstraordinært årsmøte

- (1) Ekstraordinært årsmøte i idrettslaget vert kalla inn av idrettslaget sitt styre minst 14 dagar på førehand etter:
 - a) Vedtak av styret i idrettslaget.
 - b) Vedtak av styre eller årsmøte/ting i overordna organisasjonsledd.
 - d) Skriftleg krav frå 1/4 eller 50 av dei medlemane i idrettslaget som har stemmerett.
- (2) Sakliste og andre nødvendige dokument skal leggast ved innkalling eller vere gjort tilgjengeleg på forsvarleg måte og dette skal gå fram av innkallinga.

- (3) Ekstraordinært årsmøte er vedtaksført dersom det møter eit tal medlemmar med stemmerett som minst svarar til talet på styremedlemar vedteke i idrettslaget si lov. Dersom det ekstraordinære årsmøtet ikkje er vedtaksført, kan det kallast inn til årsmøte på nytt utan krav til minimumsdeltaking.
- (4) Ekstraordinært årsmøte i idrettslaget skal berre handsame dei sakene som er med i vedtaket eller i kravet om innkalling av det ekstraordinære årsmøtet.
- (5) Ved innkalling i strid med regelen, avgjer det ekstraordinære årsmøtet høvesvis ved godkjenning av innkalling og godkjenning av saklisten, om det ekstraordinære årsmøtet er lovleg kalla inn og om det er saker som ikkje kan handsamast.

§ 20 Disposisjonar av vesentleg betydning, ekstraordinær karakter eller betydeleg omfang

Disposisjonar av vesentleg betydning, ekstraordinær karakter eller betydeleg omfang i høve til idrettslaget sin storleik eller verksemd, kan kun vedtakast av årsmøtet

§ 21 Idrettslaget sitt styre

- (1) Idrettslaget vert leia og forplikta av styret, som er idrettslaget sitt høgste styringsorgan¹⁴ mellom årsmøta.
Leiar og minst eit styremedlem kan i fellesskap signere for Valldal IL¹⁵
- (2) Styret skal m.a.:
 - a) Setje i verk årsmøtet og overordna organisasjonsledd sitt regelverk og sine vedtak.
 - b) Sjå til at idrettslaget sine midlar vert brukt og forvalta på ein forsiktig måte i samsvar med dei vedtak som er fatta på årsmøtet eller i overordna organisasjonsledd, og sørgje for at idrettslaget har ein tilfredsstillande organisering av rekneskaps- og budsjettfunksjonen og har forsvarleg økonomistyring.
 - c) Etter behov oppnemne komitéar/utval/personar for spesielle oppgåver og utarbeide mandat/instruks for desse.
 - d) Representere idrettslaget utetter.
 - e) Oppnemne ansvarleg for politiattestordninga.¹⁶
 - f) Oppnemne ein ansvarleg (tillitsvalt eller tilsett) for barneidretten¹⁷.

¹⁴ Hovudstyret leiar og forpliktar laget. Dette tilseier at det er hovudstyret som kan gjere tilsetjingar og inngå evt. andre avtalar som forpliktar idrettslaget juridisk. Hovudstyret kan likevel gjennom særskild instruks eller vedtak gje idrettslaget sine grein-/gruppe styre fullmakt til å forplikte laget innanfor rammene for instruks/vedtaket.

¹⁵ Tillegg vedteke på årsmøte 15.3.2017.

¹⁶ Gjeld for idrettslag som organiserer aktivitet for mindreårige og/eller personar med utviklingshemming.

¹⁷ Gjeld for idrettslag som organiserer aktivitet for barn til og med fylte 12 år.

- g) Oppnemne representantar til årsmøter/ting i overordna organisasjonsledd dersom årsmøtet ikkje har vald representantar
 - h) Rapportere organisasjonsdata i samsvar med krav fastsett av Idrettstyret
- (3) Styret skal halde møte når leiaren bestemmer det eller minst to av styremedlemene krev det.

§ 22 Kontrollutval

- (1) Kontrollutvalet har følgjande oppgåver
- a. Sjå til at idrettslaget si verksemd vert driven i samsvar med idrettslaget og overordna sine reglar og vedtak.
 - b. Ha eit særleg fokus på at idrettslaget har forsvarleg forvaltning og økonomistyring, at midlar vert brukt i samsvar med lover, vedtak, løyvingar og økonomiske rammer.
 - c. Verte forelagd alle forslag til vedtak som skal handsamast på årsmøte og gje uttale til dei saker som ligg innanfor sitt arbeidsområde
 - d. Føre protokoll frå sine møter, gje melding til årsmøtet og gjere rekneskapsrevisjon, med mindre idrettslaget har engasjert revisor. I så fall skal utvalet ha minst eit årleg møte med revisor og kan ved behov engasjere revisor for å utføre dei revisjonsoppgåver utvalet finn nødvendig.
 - e. Utføre oppgåver som går fram av eventuell instruks.
- (2) Kontrollutvalet skal ha tilgang til alle opplysningar, vurderingar og dokument som utvalet ser som nødvendig for å utføre sine oppgåver.

§ 23 Valkomite

Valkomitéen vert valt på årsmøtet på fritt grunnlag, etter innstilling frå styret, og skal leggje fram innstilling på kandidatar til alle andre tillitsverv som skal veljast på årsmøtet. Medlem av valkomité som sjølv vert kandidat til verv, pliktar å tre ut av valkomitéen.

§ 24 Grupper

- (1) Idrettslaget sitt årsmøte kan vedta å opprette og nedlegge grupper, og korleis desse skal organiserast og leiast. Avgjerda om dette vert gjort i samband med årleg handsaming av idrettslaget sin organisasjonsplan, jf. § 17 pkt. 9.
- (2) Dersom laget sitt årsmøte ved handsaming av organisasjonsplanen har vedteke å opprette grupper med gruppestyre, gjeld følgjande:
- a) Kvar gruppe skal ha eit gruppestyre på minst tre medlemar. Gruppestyret vert vald på årsmøtet. Grappa foreslår kandidatar til gruppestyret til valkomitéen. Eventuelt kan årsmøtet gje hovudstyret fullmakt til å oppnemne gruppestyre etter forslag på kandidatar frå grappa.

- b) Gruppa held eit årleg møte før årsmøtet i idrettslaget. Hovudstyret fastset ein siste frist for det årlege møtet. Møtet vert kalla inn av gruppestyret med frist på minst ei veke.
 - c) Det årlege møtet skal:
 - i. Handsame rekneskap.
 - ii. Handsame gruppa si årsmelding.
 - iii. Fastsette budsjett.
 - iv. Fastsette eventuell årleg treningsavgift, jf.§ 17 nr. 7.
 - v. Fremje innspel til årsplan for gruppa sine aktivitetar til hovudstyret.
 - d) Gruppestyret konstituerer seg sjølv, med mindre anna er vedteke av årsmøtet.
- (3) Grupper kan ikkje inngå avtalar eller representere idrettslaget utetter utan godkjenning frå hovudstyret

V. ANDRE REGLAR

§ 25 Lovendring

- (1) Styret skal oppdatere lova i samsvar med eventuelle endringar i NIF si lov/lovnorm og gjere endringane kjent for idrettslaget sine medlemmar så snart dei er vedtekne av styre
- (2) Øvrige loveringar kan berre gjerast på ordinært eller ekstraordinært årsmøte i idrettslaget etter å ha vorte ført opp på saklista og krev 2/3 fleirtal av dei avgjevne stemmer. Endringane trer omgåande i kraft med mindre årsmøtet vedtek noko anna. Dersom årsmøtet vedtek lovendingar skal protokollen sendast til idrettskretsen. Ved eventuell motstrid mellom idrettslaget sitt regelverk og NIF sitt regelverk, går NIF sitt regelverkt framom. Idrettskretsen kan, som overordna organisasjonsledd, påleggje nødvendig endring for å unngå motstrid med NIF sitt regelverk.
- (3) Endring i §§ 25 og 26 kan ikkje vedtakast av idrettslaget sjølv med mindre endringane følgjer av NIF sitt regelverk eller lovnorm.

§ 26 Oppløysing. Samanslåing. Anna opphøyr

- (1) Forslag om oppløysing av idrettslaget må først handsamast på ordinært årsmøte. Blir oppløysing vedteke med minst 2/3 fleirtal, skal det kallast inn til ekstraordinært årsmøte tre månader og maksimum seks månader seinare. Dersom idrettslaget sitt årsmøte vedtek oppløysing med enstemmigheit, er årsmøtet oppløyst utan påfølgjande årsmøte. Idrettslaget skal skrifteleg varsle idrettskrets og særforbund seinast 14 dagar før idrettslaget sitt årsmøte skal handsame forslag om oppløysing.

- (2) Samanslåing med andre idrettslag vert ikkje rekna som oppløysing av laget. Vedtak om samanslåing og nødvendige lovendingar knytt til dette skal gjerast i samsvar med vedtektene om lovending, jf. § 25.
- (3) Ved utmelding går idrettslaget sine egedelar til NIF eller formål godkjent av Idrettstyret dersom det er løyvd offentleg støtte/speldidlar til desse egedelar. Ved oppløysing eller anna opphøyr av idrettslaget går laget sine overskytande midlar etter avvikling til eit føremål godkjent av idrettskrinsen. Melding om at idrettslaget skal oppløysast, skal sendast til idrettskrinsen 14 dagar før idrettslaget held sitt ordinære årsmøte for handsaming av saka.